

Этнобак ашылады

Шымкенттің тарихи-мәдени аймағындағы облыстық тарихи-өлкетану мұражайы мен әдеп-ғұрып және салт-дәстүр орталығы алғашқы көрермендерін қабылдады, – деп хабарлады ОҚО әкімінің баспасөз қызметі.

70 гектар аумақтағы тарихи-мәдени аймақта орын тепкен жаңа тарихи-өлкетану мұражайындағы тарихи жәдігерлермен кеңінен танысқан балалар үйінің тәрбиеленушілері рухани-мәдени құндылықтарды жинақтап, зерделеу бағытында жұмыс атқаратын әдеп-ғұрып және салт-дәстүр орталығында да болды. Сондай-ақ, жасөспірімдер осы аймақтағы «Наурыз» алаңы мен көл аумағындағы демалыс орындарын тамашалады.

Әдет-ғұрып және салт-дәстүр

орталығы 905 шаршы метр аумақта орналасқан. Оның құрылысына облыс бюджетінен 400 млн. теңге бөлінді. Енді ол Шымкент тұрғындары мен қонақтарының сүйікті демалыс орнына айналмақ», – делінген облыс әкімдігі баспасөз қызметінің хабарында.

Ал жаңа тарихи-өлкетану музейі енді 1400 шаршы метр аумаққа орын тепті. Онда барлық экспонаттарды көрермендерге ұсыну үшін 438 млн. бюджет қаржысы жұмсалды. Жуық арада жаңа тарихи-мәдени аймақта этнобак пайда болады, қазір оның құрылысы қызу жүргізіліп жатыр. Білік орындарының пікірінше, жаңа демалыс аймағы қаланың туристік мүмкіндіктерін дамытуға зор серпін береді.

